

Othman Saat: Saya hanya sakit perut

MUAR, Jumaat — Menteri Besar Tan Sri Haji Othman Saat, petang semalam menerima banyak panggilan telefon berikutan berita menyatakan ia diserang sakit jantung.

Tan Sri Haji Othman yang ditemui di kediamannya disini, malam tadi berkata, berikutan berita itu rama sahabat handai telah menelefonya bertanyakan keadaannya serta benar tidaknya laporan berita itu.

"Kalau saya diserang sakit jantung, sudah tentu saya tidak menjawab panggilan-panggilan telefon berkenaan," kata Menteri Besar yang kelihatan riang selepas selesai memengerusikan mesyuarat Ahli Jawatankuasa UMNO Cawangan Temiang di sini.

Bellau adalah ketua Umno cawangan itu.

"Sakit yang saya hidapi samalah dengan penyakit yang menyerang Perdana Menteri Datuk Seri Dr. Mahathir Mohamad sewaktu beliau melawat Negeri Kedah baru-baru ini," katanya berjenaka.

"Saya cuma kena sakit perut dan buang-buang air besar sejak kelmarin," katanya lagi.

"Bagaimanapun, saya pergi juga ke Segamat untuk menyambut Timbalan Perdana Menteri Datuk Musa Hitam yang berkunjung ke daerah itu semalam.

"Dalam perjalanan, saya diserang sakit perut dan terpaksa berpatah balik ke rumah dan kemudian meneruskan semula perjalanan," ujar beliau.

Menurut Tan Sri Haji Othman, beliau telah dirawat oleh dua orang doktor di rumah rehat di Segamat sebelum ketibaan Datuk Musa.

Menteri Besar itu berkata, Datuk Musa kemudian menasihatkannya supaya berchat dan menawarkannya menggunakan helikopter TUDM untuk pulang.